


古聖賢兩傳畧 五

漢書門			
類	號	函	架
二	二	一	一
六	六	三	三
九	九	六	六
一	一	三	三
六	六	六	六

內閣文庫		漢書
類	號	冊
二	二	二
六	六	一
九	九	五
一	一	九
六	六	函

內閣文庫	
番號	漢 2269
冊數	16 (5)
函號	290 47




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





古聖賢像傳畧卷五

像 數 中 楮



長洲顧沅湘舟輯

公姓嵇諱康字叔夜其先本上虞人姓奚以避怨徙譙家於銓之
嵇山因命氏焉公遠邁不羣與魏宗室婚拜中散大夫不就常彈
琴咏詩以自足與東平呂安善後安為兄所枉訴以事繫獄辭相
證引遂復收公公將刑東市太學生三千人請以為師弗許公顧
視日影索琴彈之曰昔袁孝尼嘗從吾學廣陵散吾每固靳之廣
陵散于今絕矣

阮步兵像



公姓阮諱籍字嗣宗陳留尉氏人容貌瓌傑志氣宏放初仕魏累
官散騎常侍公本有濟世志屬天下多故名士少有全者遂酣飲
為常司馬昭輔政引為大將軍從事中郎將嘗賦咏懷詩八十餘
篇及達莊論大人先生傳

山尚書像



公姓山諱濤字巨源河內人早孤貧氣量不羣先任吏部郎後遷
尚書甄拔人物各為題目時稱山公啟事以母老辭職疏十上乃
許帝以公清儉加賜牀褥裯帳禮秩崇厚時莫與比累官至尚書
僕射加侍中

王青保像



公姓王諱祥字休徵瑯琊臨沂人性至孝繼母朱氏不慈數譖之
 由是失愛於父公愈恭謹父母有疾衣不解帶湯藥必親嘗母嘗
 欲食生魚時天寒冰凍公解衣將剖冰求之冰忽自解雙鯉躍出
 人以為孝感公嘗在別牀母自往闔斫之值公私起空斫得被既
 還知母恨不已跪前請死母亦感悟愛如己子嘗為徐州別駕晉
 初拜太保進公爵

王祥中脩



公姓嵇諱紹字延祖譙人中散大夫康之子也山濤薦為秘書丞
 累遷至侍中會河間成都二王舉兵向京都以討長沙王又王師
 敗績于蕩陰百官侍衛皆潰散獨公以身捍衛兵交御輦飛矢雨
 集公遂被害血濺御衣及事定左右欲浣衣帝曰此嵇侍中血勿
 去

雷 豐 城 像



公姓雷諱煥豫章人妙達緯象晉武帝時斗牛間常有紫氣張華
問公何祥公曰寶劍之精上徹於天耳在豫章豐城縣華即補公
為豐城令掘獄得二劍送龍泉與華而自佩太阿後公卒子華為
郡從事佩劍行延平津劍躍入水但見二龍各數丈長而去華曰
先公化去之言張公終合之說其信乎

王 文 獻 像



公姓王諱導字茂宏光祿大夫覽之孫少有風鑒識量清遠年十四陳留高士張公見而奇之謂其從兄敦曰此兒將相之器也元帝為琅琊王時與公素相親善及鎮下邳以公為安東司馬軍謀密策知無不為東遷後累官至太傅封始興公兄敦反以大義滅之出入將相戮力王室晉之中興公之力為多卒諡文獻

陶 翁 像



公姓陶諱侃字士行鄱陽人徙家潯陽歷仕樅陽武岡令有能名
後以功封東鄉侯遷江夏太守元帝時累廣州刺史在州無事朝
暮運百甓以自勵後平王敦蘇峻皆有功拜太尉封長沙公

忠貞像



公姓卞諱壺字望之濟陰宛句人弱冠有名譽官至尚書令成帝
 時蘇峻反詔以公都督大桁諸軍討之與峻大戰於西陵為峻所
 破還節詣闕謝罪峻復進攻青溪公與諸軍拒擊六軍敗績公時
 發背創猶未合力疾而戰遂死之二子眈眈見父歿相隨赴賊同
 時見害謚忠貞

周 護 車 像



公姓周諱頻字伯仁安成人少有重名神采秀徹元帝鎮江左請
為軍諮祭酒累遷尚書左僕射為護軍將軍太興初王敦構逆護
軍長史郝嘏等勸公避之公曰吾備位大臣朝廷喪敗寧可復草
間求活耶俄與戴若思俱被收路經太廟公大言曰天地先帝之
靈賊臣王敦傾覆社稷枉殺忠臣陵虐天下神祇有靈當速殺敦
語未終收者以戟傷其口血流至踵顏色不變罵不絕口遂遇害

溫 贊 騎 像



公姓温諱嶠字太真祁人博學能文風儀秀整為劉琨右司馬琨
謂公曰班彪識劉氏復興馬援知光武可輔今晉祚雖衰天命未
改吾欲立功於河北使卿延譽於江南子其行乎公曰嶠雖不敏
明公以桓文之姿建匡立之功豈敢辭命遂過江元帝器之王導
等並與親善後除散騎侍郎累遷開府儀同三司

嶠 靖 文 辭



公姓謝諱安字安石陳國陽夏人鎮西將軍尚之從弟年四十餘始出仕為吳興太守徵拜侍中遷吏部尚書苻堅入寇加征討大都督公指授將帥及兄子彛尋大破堅於淝水驛書至了無喜色仍與客圍棋如故其從容鎮物如此卒年六十六贈太傅諡文靖

王 又 車 像



公姓王諱義之字逸少琅琊臨沂人太傅導之從子少朗拔起家
 秘書郎歷右將軍會稽內史善書少時學書池水盡黑其書法遂
 為古今之冠雅好服食不樂居京師既渡浙江便有終焉之志會
 稽有佳山水名士多居之嘗與同志宴集於會稽山陰之蘭亭自
 為序以申其志并自書之論者謂其筆勢飄若浮雲矯若驚龍尤
 為公生平第一之作山陰有道士好養鵝公往觀甚悅固求市之
 道士云為寫道德經當悉相贈公欣然寫畢籠鵝而歸其任率如
 此年五十九卒贈金紫光祿大夫

顧 虎 頭 像




公姓顧諱愷之字長康晉陵人博學有才氣嘗為桓温及殷仲堪
參軍謝安深器重之善丹青圖畫每畫人成數年不點目睛曰傳
神寫照正在阿堵中義熙初為散騎常侍尤信小術以為求之必
得故世傳公有三絕才絕畫絕癡絕為虎頭將軍人號顧虎頭

陶靖節像



公姓陶諱淵明字元亮潯陽人太尉侃曾孫宅邊有五柳樹自號五柳先生曾為彭澤令會都遣督郵至縣吏白應束帶見之公嘆曰吾不能為五斗米折腰見鄉里小兒即解印去賦歸去來辭以見志嘗言夏月虛閑高卧北窗之下清風颯至自謂羲皇上人及宋受禪屢徵不就易名曰潛賦詩飲酒以終其身世號靖節先生

雷 扣 士 像



公姓雷諱次宗字仲倫南昌人晉末入廬山事沙門慧遠篤志好學尤明三禮毛詩宋元嘉中徵至都開館於鷄籠山聚徒教授車駕數至資給甚厚久之還廬山又為築室於鍾山謂之招隱館卒於鷄籠山著有豫章記毛詩序義二卷喪經傳一卷文集三十卷

殷文成像



公姓殷諱景仁陳郡長平人繼遷丹陽後以訪醫採藥遷居吳郡
少有大成之量為宋武帝中書侍郎風力局幹冠冕一時元嘉三
年遷尚書僕射太子詹事德量宏正丕著忠謨元嘉之政實有賴
焉卒贈司空賜葬吳縣香山給守塚六家諡曰文成

謝 康 樂 像



公姓謝諱靈運陳郡陽夏人晉康樂公平之孫少好學博覽群籍
文章為江左第一襲祖父封爵故世稱謝康樂族弟惠連有異才
公最賞之每有篇章對惠連輒得佳句嘗於永嘉西堂思詩竟日
不就忽夢惠連即得池塘生春草之句大以為工常云自有神助
非吾語也少帝即位公非毀執政司徒徐羨之等患之出為永嘉
太守遂肆遨遊既為臨川內史在郡游放為有司所糾遣使收之
上愛其才徙廣州後文帝詔於廣州棄市

檀 月 陽 像



公姓檀諱道濟高平人仕宋參建武將軍府事遷太尉參軍嘗說
武帝北征所向有功封丹陽郡公元嘉中伐魏餉絕公命夜唱籌
量沙敵軍見之不敢逼後為文帝所疑見收嗔怒目光如炬脫幘
投地曰乃壞汝萬里長城魏人聞公死曰吳子輩不足復憚自是
有飲馬長江之志二十七年魏軍至瓜步文帝登石頭城望甚憂
色嘆曰若道濟在豈至此

檀道濟



公姓袁諱粲字景倩陽夏人幼孤好讀書及長有風操嘗著妙德
先生傳以自况仕宋累官左僕射出鎮石頭城與尚書劉秉等密
謀誅蕭道成褚淵泄其事道成使其徒戴僧靜攻公公子最以身
衛公僧靜直前斫之公謂最曰我不失為忠臣汝不失為孝子遂
父子俱死百姓謠曰可憐石頭城寧為袁粲死莫作褚淵生

陸 靖 子 象



公姓陸諱澄字彥淵吳人少好博覽無所不知行坐眠食手不釋
卷或稱為書厨無所不知竟陵王子良得古器小口方腹而底平
可容七八升以問公公曰此名服匿單于以遺蘇武子良詳視器
底有字彷彿果如所言初仕宋為尚書殿中郎兼左丞轉散騎常
侍秘書監吳郡中正光祿大夫加給事中尋領國子祭酒隆昌元
年以老疾轉光祿大夫加散騎常侍未拜卒諡靖子所撰地理書
及禘傳共一百十三卷

昭明太子青像



梁昭明太子諱統小字維摩字德施武帝長子至性仁孝母丁貴
嬪亡水漿不入口每哭慟絕帝遣顧常侍喻之曰毀不滅性聖人
之制禮不勝喪比於不孝我在那得如此乃強進數合至葬日進
麥粥一升體素壯腰帶十圍至是減削過半士庶見之莫不泣下
太子讀書五行俱下五歲誦五經輯文選三十卷注陶潛詩集并
序年三十一卒朝野痛之諡昭明

任敬子隸



公姓任諱昉字彥升樂安博昌人性至孝八歲能屬文初仕齊為太學博士王儉沈約皆推讓其文梁武帝時歷黃門侍郎出為義興新安太守為政清省吏民便之卒於官所著文章十餘萬言謚敬子公愛才好士多所獎借經其延譽每見升擢而清約無營其自郡還臺至衣不能全歿後有子四人皆流離不振舊交莫有相卹者劉孝標因著廣絕交論

任昉



公姓韋諱叡字懷文杜陵人仕梁豫州刺史魏中山王英與將軍楊大眼率眾數十萬攻鍾離武帝命公救之受曹景宗節度公進頓邵陽州塹洲為城去魏城百餘步比曉營立英大驚曰是何神也大眼勇冠軍中所到處皆披靡公以強弩二千一時俱發矢貫大眼右臂大眼退走英自帥眾夜攻城景宗與公南北夾攻之忽淮水暴漲六七尺公使馮道根等乘艦奮擊魏洲上軍盡殪軍人奮勇呼聲動天地魏軍大潰英脫身走大眼亦焚營去魏人謠曰不畏蕭娘併呂姥但畏合肥有韋虎

程忠壯像



公姓程諱靈洗字元滌新安人少以勇聞善騎射侯景之亂公聚眾拒景以功累遷顯官入陳為豫州刺史號雲飛將軍性卞急御下甚嚴號令分明能與士卒同甘苦眾亦此德之歷官都督光大二年卒年五十五贈鎮西將軍開府儀同三司謚忠壯

程 超 走 像




公姓程諱文季字少卿新安海寧人忠壯公靈洗之子幼習騎射
多幹畧果決有父風弱冠從父征討必先登陷陣文帝初累遷新
安臨海二郡太守父卒公盡領其衆起為超武將軍大建五年從
吳明徹北收齊公常為前鋒齊軍深憚之號為程虎後從吳明徹
侵周圍彭城併陷於周公不屈為周所囚十一年自周逃歸為邊
吏所執送長安死於獄

韓 程 國 像



公姓韓諱擒虎字子通河東人容貌魁岸慷慨有膽畧文帝時拜廬州總管委以平陳之任公領鐵騎五百直取金陵遂滅陳論功進位上柱國



天保壬辰

